



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LIX. De cultu immemorabili pro BB. Teresia, & Sancia Congreg. Alcobacen.  
Ordin. Cistercien.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



ratis statutis, & Consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides ubique locorum tam in iudicio, quam extra illud habeatur, quæ ipsi præsentibus haberetur, si forent exhibitæ, vel ostensæ.

Datum Romæ apud Sanctum Petrum sub Anno Piscat. die XVI. Decembris MDCCV. Pontificatus Nostri Anno Sexto.

LIX.

Confirmatur Decretum Congregationis Rituum de cultu immemorabili, & casu excepto pro Beatis Teresa, & Sancia Regis Portugalliæ filiabus Congregationis Alcobacen. Ordinis Cisterciens. Monialibus.

*De cultu immemorabili B. Mariae de Capite vide Inn. XII. Const. ed. 1697. Aug. 11. P. 7. Et hujus Pontificis Const. ed. 1710. Mar. 26. P. 10. confirmatur cultus B. Lucia de Narnia.*

CLEMENS PAPA XI.

*Ad futuram rei memoriam.*

Dat. 23. Dec. 1705. An. 6.

Exordium.

Solicitude Pastoralis Officii, quo Catholica Ecclesiæ per Universum Orbem diffusa regimini Divina dispositione præsidemus, Nos urget, atque compellit, ut Beatarum Christi ancillarum in Cælis cum eo regnantium cultum, & venerationem in terris promovere studeamus, sicut pia Regum, & Principum Orthodoxorum studia postulant, & Nos ad Omnipotentis Dei Gloriam, ad Ecclesiæ decus, & præsidium, ac spiritualem Christianidelium edificationem, & consolationem expedire in Domino arbitramur.

Causa Beatificationis introducta fuit 1667. sedente Clem. IX.

§. 1. Cum itaque alias, videlicet die 4. Octobris 1667. a felic. recor. Clemente Papa IX. Prædecessore nostro Commissiones pro introductione causæ, seu Causarum Beatificationis Beatarum Reginarum Teresæ, & Sanciæ Monialium Ordinis Cisterciens. clar. mem. Sancti Primi, dum vixit, Portugalliæ Regis illustri natarum signatæ, ac in illarum executionem die decima Decembris ejusdem anni, dicto Clemente Prædecessore annuente, literæ remissoriales, attentò, quod Sedes Episcopalis Colymbrien. tunc vacabat, tunc existenti Episcopo Targen. Civitate Ulyssiponen. commoranti dirigendæ pro constructione Processus particularis super cultu immemorabili prædictis Teresæ, & Sanciæ præfite, & casu excepto a decretis jussu rec. mem. Urbani Papæ VIII. pariter Prædecessoris nostri editis, decretæ fuerint, cum facultate, quod in una remissoria ambæ Commissiones includerentur. Literæ vero hujusmodi, prout assertum fuerat, nunquam expeditæ fuerint, ideoque ad effectum conficiendi præfatum Processum ad pias, enixasque preces Charissimi in Christo filii Nostri Petri Portugalliæ, & Algarbiorum Regis Illustris, ac tunc in humanis agentis clar. mem. Mariæ, dum vixit, Reginæ ejus Uxoris, necnon dilecti filii nobilis Viri Cosmi Etruriæ sibi subjectæ Magni Ducis, accedentibus etiam in id ipsum supplicationibus nonnullorum Prælatorum Religiosorum, Tribunalium, Senatuum,

Precibus Regis & Reginæ Portugalliæ, aliorumque commissæ fuit constructio Processus 1695. sedente Inn. XII.

Magistratum, & Academiarum Regni Portugalliæ, ac ad iteratas humillimas instantias dilecti filii Bernardi de Castl Branco Monachi expresse professi, ac Procuratoris Generalis Congregationis Sanctæ Mariæ de Alcobatia Ordinis præfati, in Sacra Theologia Magistri, Causæ, seu Causarum Beatificationis, & Canonizationis hujusmodi Postulatoris, Nobis referentibus, qui tunc in minoribus constituto Cardinalatus honoreungebamur, ac in locum bon. memor. Sigismundi Chiffi, dum vixit, Sanctæ Romanæ Ecclesiæ Cardinalis Sigismundi nuncupati Causæ, seu Causarum hujusmodi Relatoris, subrogati fueramus, exhibitis prius per dictum Bernardum Postulatorem binis Processibus in Colymbrien., seu Ulyssiponen. Civitatibus, postquam Sedes Apostolica in Causa, seu Causis præfatis manus apposuerat, nulliter constructis, die 17. Septembris 1695. a Congregatione tunc existentium Sanctæ Romanæ Ecclesiæ Cardinalium Sacris Ritibus Præpositorum novæ Remissoriales, seu Compulsoriales literæ tunc pariter existentibus Archiepiscopo Ulyssiponen., & Episcopo Colymbrien., eorumque Vicariis in spiritualibus Generalibus dirigendæ, annuente etiam die 25. ejusdem Mensis Septembris piæ memoriæ Innocentio Papa XII. itidem Prædecessore nostro, concessæ fuerint, illarumque vigore Processus prædictus constructus, ac in actis memoratæ Congregationis Cardinalium exhibetur, servatque servandis apertus fuerit; demum vero, eodem Bernardo Postulatore instante, proposito dubio in prædicta Congregatione Cardinalium per dilectum filium nostrum Carolum dictæ Sanctæ Romanæ Ecclesiæ Diaconum Cardinalem Bichium nuncupatum, qui in Relatorem Causæ, seu Causarum prædictarum in locum nostrum a Nobis subrogatus fuerat - An constaret de cultu immemorabili Beatis Teresæ, & Sanciæ præfatis præfite, & casu excepto a dictis Decretis Urbani Prædecessoris, & an sententia desuper lata a memorato Episcopo Colymbrien. Judice Delegato, esset confirmanda in casu, & ad effectum, de quo agebatur. Dictæ Congregatio Cardinalium, audito tam in scriptis, quam in voce Venerabili Fratre Prospero Archiepiscopo Miren. Promotore Fidei de ejusmodi cultu immemorabili, & casu excepto, constare censuerit: Hinc est, quod Nos piis, ac devotis ejusdem Petri Regis, ac totius Congregationis de Alcobatia hujusmodi, necnon dilectarum in Christo filiarum Abbatissæ, & Monialium Monasterii Lorvanienfis supplicationibus Nobis super hoc humiliter porrectis favorabiliter annuere cupientes, ac præfatarum Abbatissæ, & Monialium singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris & penis a Jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, Decretum a præfata Cardinalium Congregatione editum, ut præfertur, quod scilicet de cultu immemorabili eisdem Beatis Teresæ, & Sanciæ præfite, & casu excepto a Decretis ejusdem Urbani Prædecessoris, constet, Apostolica auctoritate tenore præsentium confirmamus, & approbamus, illique inviolabilis Apostolica firmitatis robur adjicimus, salva tamen semper in præmissis auctoritate prædictæ Congregationis Cardinalium.

§. 2. Decernentes eandem præsentem literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum, plenissime suffragari, & ab eis respectu inviolabiliter observari: sicque in præmissis per quoscumque Judices Ordinarios, &

Decretum fuit a Congregatione Rituum constructæ de cultu, & casu excepto.

Preces Regis Portugalliæ, Congregationis de Alcobatia, & Monialium Monasterii Lorvanienfis.

Confirmatio Decreti præd. Congregationis.

Clausula.

Delegatos,



Delegatos, etiam Causarum Palatii Apostolici Auditores judicari, & definiti debere; ac irritum & inane, si secus super his a quoquam, quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut ipsarum Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides in Judicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Anno Piscatoris die XXIII. Decembris MDCCV. Pontificatus nostri Anno Sexto.

LX.

Conceditur Indulgentia plen. perp. pro Ecclesiis Canonicorum Regularium S. Augustini Congregationis S. Rufi in festis SS. Augustini, Rufi, & Monicæ.

CLEMENS PAPA XI.

Ad perpetuam rei memoriam.

Dat. 12. Jan.  
1706. An. 6.

Exordium.

Commisæ Nobis a Domino Nostro Jesu Christo dispensationis ratio exigit, ut Cælestium munerum Thefauros ad augendam in Terris Sanctorum in Cælo regnantium venerationem, fovendamque, & incitandam erga illos fidelium devotionem, fideli prudentia quantum nobis ex alto conceditur erogare studeamus.

Preces Præpositi Gen.

§. 1. Supplicationibus itaque dilecti filii moderni Abbatis Monasterii S. Rufi Præpositi Generalis Congregationis Canonicorum Regularium ejusdem S. Rufi Ordinis S. Augustini nomine Nobis super hoc humiliter porrectis inclinati, ac de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus utriusque sexus Christianidelibus vere pœnitentibus, & confessis, ac Sacra Communionem refectis, qui aliquam ex Ecclesiis quorumcumque Monasteriorum Canonicorum Regularium dictæ Congregationis hætenus erectis, & in futurum quandocumque erigendis, ac ubicumque locorum existentibus in præfatorum Sanctorum Augustini, & Rufi, ac S. Monicæ festis diebus a primis vespere usque ad occasum solis dierum hujusmodi singulis annis devote visitaverint, & ibi pro Christianorum Principum concordia, hæresum extirpatione, ac S. Matris Ecclesiæ exaltatione pias ad Deum preces effuderint, quo die prædictorum id egerint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Concessio præd. Indulgentiæ.

Clausulæ.

§. 2. Volumus autem, ut præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in Judicio, & extra illud ubique locorum habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Petrum sub Anno Piscatoris die XII. Januarii MDCCVI. Pontificatus nostri Anno Sexto.

LXI.

Confirmatur Decretum Generalis Ord. Prædicatorum, quo prohibetur receptio illegitimum in Provincia Angelopolitan.

De dimissione Fratrum e Congregatione S. Sabinae, & eorum receptione agitur Bened. XIII. Const. ed. 1724. Maji 1. P. 1.

CLEMENS PAPA XI.

Ad futuram rei memoriam.

Dat. 15. Jan.  
1706. An. 6.

Exponi Nobis nuper fecit dilectus filius Ferdinandus de Elpinofa frater expresse professus Ordinis Prædicatorum Provinciæ Angelopolitan. dicti Ordinis in Sacra Theologia Magister, quod dilectus pariter filius Antonius Cloche Magister Generalis Ordinis hujusmodi spiritali quieti Religiosorum ejusdem Provinciæ non modicas ob frequentem in illis partibus Illegitimum ad habitum Regularem Ordinis hujusmodi receptionem perturbationes patientium consulere peroptans suo peculiari Decreto die 9. Septembris anni proxime præteriti edito omnibus, & singulis Superioribus Provinciæ prædictæ in virtute Spiritus Sancti, & Sanctæ Obedientiæ sub formali præcepto, necnon sub pœna absolutionis ab officio ipso facto incurrenda prohibuit, & interdixit, ne sub quovis titulo, seu prætextu ad habitum, & Ordinem hujusmodi quempiam illegitime genitum, etiam ex soluto, & muliere soluta cujusvis conditionis, & qualitatis existat, absque expressa pro tempore existentis Magistri Generalis Ordinis prædicti in scriptis, & cum specifica derogatione prohibitionis hujusmodi concedenda licentia admittant, irritum, & inane declarans quidquid in contrarium contigerit attentari, & alias prout in eodem Decreto uberior dicitur contineri.

Causa præd. Decretum 1705. Sep. 9. editi.

Preces Magistri de Elpinofa.

§. 1. Cum autem, sicut eadem expositio subjungebat, dictus Ferdinandus Decretum hujusmodi quo firmiter subsistat, & servetur exactius Apostolicæ confirmationis nostræ patrocio communiri plurimum desideret. Nos specialem ipsi Ferdinando gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui dilectum etiam filium moderatum Procuratorem Generalem Ordinis prædicti super præmissis audiverunt consilio, suprascriptum Decretum auctoritate Apostolica, tenore præsentium confirmamus, & approbamus, illique inviolabilis Apostolicæ firmitatis robur adjuicimus, salva tamen semper in præmissis auctoritate Congregationis eorundem Cardinalium.

Confirmatio relati Decreti.

Clausulæ.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quandocumque spectabit, inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Provinciæ, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis,

ac ad